



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

XIV. Bischof Reiners von Havelberg Anordnungen über die Feier des Gottesdienstes, das Einkommen des Predigers und dessen Berufung beim heil. Geist Hospital zu Perleberg, v. J. 1313.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

hardus de noua domo, Thidericus de pecolt, Thidericus de cartane, Thidericus Noreman et vterque boberowe et procuratores sancti nicolaj hinricus de Stendal et hinricus et farnowe. Datum de aetum Anno domini M CCC IX in die beatorum viti et Modesti Martirum.

Nach dem Original.

XII. Markgraf Woldemars Bestätigung und Appropriation der Schenkung einer Hebung von 10 Talenten an Abgaben von den Erbgütern der Bürger Perlebergs an den Altar des heiligen Geistes daselbst v. J. 1310.

Nouerint vniuersi quibus exhibitur presens scriptum, quod nos woldemarus dei gracia Brandenburgensis, Iusacie & de landizberg Marchio Tutorque incliti Johannis de brandenborch marchionis confirmauimus & presentibus confirmamus nostro & dicti marchionis johannis nomine donacionem decem talentorum de hereditatibus ciuitatis perleberg tollendorum factam per johannem dictum de noua domo seu per alios quoscunque domni sancti spiritus intra muros ciuitatis eiusdem ad altare, donantes quoque proprietatem eorundem decem talentorum ad altare domus sancti spiritus nostro & dicti marchionis johannis nomine expresso, ita quod perpetuis temporibus ad ipsum altare vero proprietatis titulo adiacebunt, profitentes quoque, quod huiusmodi donacio habita et contracta predictae ciuitatis ciuium expresso de consensu & ipsorum libera voluntate. In cuius facti euidentis testimonium presens scriptum nostro munitum sigillo duximus concedendum. Presentes fuerunt domini Nicolaus de Buck, Droyseko, Conradus de Redere, Sloteko, hermannus de luhowe et alii quam plures fidedigni. Actum & datum Spandowe feria quarta post dominicam letare Anno domini millesimo CCC^o decimo,

Nach dem Original, woran das Siegel fehlt.

XIII. Borchard, Herr von Schrapelow, verkauft der Stadt Perleberg den Wall im J. 1310.

Nos borchardus dei gratia dominus de Schrapelow vniuersis presentibus quam futuris cupimus fore notum, quod aggerem in ciuitate perleberge situm, qui domine ludgardi nostre legitime vxori pertinebat, Consulibus ciuitatis eiusdem pro C. Marcis agenti rite et rationabiliter vendidimus possidendum, cuius summe partem mediam recepinus ab eisdem: sumus nihilominus arbitrati, quod residuam partem pecunie adhuc dandam neque per nos neque per mediam personam tollere debeamus, nisi prius dictis consulibus litteram illustri principis domini Johannis Marchionis super hoc ordinauimus, vt talis venditio ac emptio de sua sit libera voluntate, Etiam vt sepe dicti consules tuti fore possint ab impugnatione qualibet ceterorum, Datum Anno domini M CCC X^o in vigilia marie Magdalene in Ciuitate perleberge sepius nominata.

XIV. Bischof Reiners von Havelberg Anordnungen über die Feier des Gottesdienstes, das Einkommen des Predigers und dessen Berufung beim heil. Geist Hospital zu Perleberg, v. J. 1313.

Reynerus dei gratia havelbergensis ecclesie episcopus Omnibus presens scriptum legentibus &

intelligentibus Salutem in Domino sempiternam. de opera iusticie uirtutis preclarissime, in longitudine dierum felice operari in nomine sancte et individue Trinitatis amen. Dicit sacra pagina, generatio preterit generatio aduenit, uerbum autem Domini manet in eternum. Ne ergo statuta uera bona et iusta et ordinationes hominum propter huiusmodi preteritionem et aduentum evanescant, pro salute ueritatis necessarium est ut ea que rationabiliter in tempore aguntur scriptis et testimonijs legitime confirmentur. Protestamur igitur in hoc priuilegio et in hys scriptis, notumque desideramus esse presentibus et futuris, quod de nostra licentia et uoluntate bona Otto plebanus in parleberch dictus de Redere ex parte sua et fuorum successorum, una cum consensu consulum ciuitatis eiusdem, Domini sancti Spiritus, edificate in eadem ciuitate, rationabiliter et misericorditer cultum licentiauit et contulit diuinorum, scilicet matutinarum missarum et uesperarum, quem diuinorum cultum Johannes clericus dictus de noua domo peraget vel saltem per sacerdotem peragi faciet temporibus sue uite, qui Johannes altare in predicta domo sancti Spiritus constructum et a predecesore nostro Domino Arnolde felicis memorie consecratum funditus dotauit appositione decem talentorum Brandenburgerum in festo beati Martini de areis hereditatum infra muros Parleberch anno quolibet tollendorum. Que talenta si per dilationem eodem die possessori altaris non fuerint exsoluta, extunc consules ciuitatis cum ipsorum famulis ea per inpirationem facient extorqueri. Preterea dictus otto plebanus pia consideratione motus commodum intuens infirmorum in iam dicta domo iacentium nostro ex consensu ibidem dedit licenciam conferuandi ecclesiastica sacramenta, uidelicet ewcharistiam et unctionem extremam, id est oleum infirmorum, que sacramenta sunt eisdem infirmis ipsisque seruientibus a Johanne, prelati altaris fundatore, si eum ad felicem sacerdotii titulum domino disponente contingerit peruenire aut saltem ab eius capellano confessione preuia feliciter ministranda seu eciam ab ejus successoribus quibuscunque. Ceterum Plebanus sepe dictus animaduertens recitationem uerbi Dei crisi fidelibus esse multipliciter fructuosam graciose concessit ut in sollempnitatibus infra scriptis in ecclesia sancti Spiritus uermum Dei populo predicetur, utpote sequenti Die pasche, in assumptione Marie Johannis ewangeliste, post prandium similiter, et in dedicatione ecclesie eiusdem de uespere et in die. Post discesum uero ipsius Johannis collatio prememorati altaris spectabit ad plebanum sancti Jacobi, Ita quod suum est conferre huiusmodi altare non alicui puero neque existenti non sacerdoti, Sed sacerdoti, viro maturo pariter et discreto. Qui sacerdos ibidem in persona propria residebit, recipiens redditus supradictos, et domicilium a dicto Johanne super aquam constructum simul et piscaturam in fossato allodij domus Sancti spiritus foris ciuitatem iacenti. Ita quod in eo piscari ualeat quantum sibi ad esum suarum sufficiat expensarum. Hic autem sacerdos horam celebrandi missam non captabit ex propria uoluntate, sed quando apud ecclesiam sancti Nicolai ciuitatis eiusdem compulfacio misse fiet. Insuper idem sacerdos fidelium oblationes ad altare intra missarum sollempnia apportatas plebano ad integrum presentabit. Pro hys et alijs domni sancti spiritus benigne concessis tutores ipsius domus de allodio adjacenti ciuitati seu de bonis ejus predicto plebano censualiter tria dabunt talenta, restorationis causa annis singulis in die beati Martini perpetue persoluenta. Nos igitur intuentes et considerantes has donationes et ordinationes esse iustas atque deuotas ipsas auctoritate qua fungimur in nomine Patris et filij et spiritus sancti legitime confirmamus. Et ut robur habeat perpetue, prefens scriptum per appensionem sigilli nostri ipsum misericorditer roboramus. Et non solum volumus ut fiat appensio nostri sigilli sed eciam plebani in parleberch a quo tam sacrosancta donatio principaliter et specialiter habet ortum. Preterea ex quo cum consensu Consulum tale negocium est diligentius consummatum necessarium iudicamus ut cum eorundem sigillo hec eciam pagina roboretur. Istarum autem ordinationum et donationum testimonium perhibet uniuersitas consulum in parleberch, quorum nomina sunt hec: Johannes de Cemelin, Gherardus Bloc, Gherardus de noua domo, Petrus Normanus, Hermannus

Radolfi, Jo et Jo. dicti de boberow, Gherardus Lufcus, Theodericus de Scouwenleit, Petrus Voygt et quam plures alij fide digni. Datum Wistok anno Domini M^o CCC^o XIII^o primo idus decembris in die Lucie uirginis Pontificatus nostri Anno secundo.

Nach dem Original, woran die Siegel fehlen.

NV. Die von Wartenberg verkaufen dem Hospital des heil. Geistes zwei Hufen Landes zu Sukow im J. 1317.

In Nomine sancte et indiuidue trinitatis Amen. Cum labilis sit memoria hominum Ideo sibi subuenit merito de scripture suffragio industria sapientum. Hinc est, quod Nos Johannes et Johannes dicti de Wardenberghe presentibus protestamur, quod domui sancti spiritus in parleberghe ad vsus pauperum rite vendidimus duos mansos in villa sucowe curie thidekini Godefridi adjacentes soluentes annuatim XXX modios filiginis et XVIII modios ordeï et quatuor solidos censuales cum omni jure, quemadmodum nos actenus habuimus a nobili domino nostro de brandenborch Marchione, protestamur etiam quod collationem horundem bonorum debemus ad vsus predictæ domus fideliter detinere, quovsque proprietas talium bonorum valeat a principibus, qui in tempore fuerint, comparari, qua obtenta debemus bona prehabita presentibus principibus ad vsus sepedictæ domus sine aliqua contradictione beniuole resignare, quod promissimus federe vnanimi consulis ciuitatis parleberghe fide prestita manuali. In huius etiam rei testimonium presens scriptum nostris sigillis est inuolabiliter roboratum. Testes huius sunt qui fuerunt eo Anno in consilio perleberge ciuitatis Bloc, Gherhardus de kartane, ludolfus felixi, Gherhardus de noua domo, Thidericus noreman, Thidericus radolfi, Thidericus dalmin, Johannes bowerowe, henricus de dupowe, Martinus rulowe, quorum sigillum nostro de consensu etiam presentibus est appensum. Item boldewinus de croghe, dominus Johannes et Heyne de noua domo, Zabellus futor et alij fide digni.

Datum et actum parleberghe sub Anno domini M^o CCC^o XVII in die exaltationis sancte crucis.

Nach dem Original.

XVI. Markgraf Johann begiebt sich aller Rechte an einer von der Kirche St. Nicolai erworbenen Kornhebung in Sukow und Quitzow, im J. 1317.

In nomine Domine Amen. Quoniam ea, que per assercionem principum in publica munimenta deveniunt, obtinere debent robur perpetue firmitatis. Hinc est, quod Nos Johans Dei gracia Brandenburgensis et Lufacie Marchio ad notitiam presentium et futurorum memoriam volumus devenire, quod diuini cultus augmento, vti ex debito adstringimus, intendere pro viribus cupientes, omne ius sive Dominium, quod ad nos nostrosque successores aut heredes pertinere dinoscitur et a retroactis pertinebat temporibus, in quatuor filiginis choris, quos providus vir Ludkenius selege, civis parlebergensis, vnum chorum in villa sucow, tres vero in villa Qvitzow, ad altare beate Marie virginis in ecclesia sancti Nicolai in perlebergh sua comparavit pecunia, de nostra speciali munificentia gratuite relaxamus, eximentes predictos quatuor choros filiginis ab omnibus seruiis, solucionibus, contribucionibus, vecturis, vexationibus, precariis, angariis ex perangariis et aliis infestacionibus quibuscumque censentur nominibus cuncto tempore successuro, volentes prefatos choros ad idem altare iusto proprietatis titulo in perpetuum liberaliter pertinere. In cuius rei testimonium ad evidentiam clariorem presentibus desuper confectis nostrum sigillum statuimus apponendum. Actum et datum Berlin anno Domini millesimo trecentesimo de-